



## Hä kann et

Zum ehzte Mol op Urlaub eß  
d`r Schäbens Krestian.  
Am Stammdesch höht mer jetz gespannt  
sing Kreegsstrapazzen ahn.  
Ich sagen üch ;su säht d`r Kreß,  
wer dat nit met erlääv,  
dä weiß nit, wie beim ehste Knall  
et Häzz em Liev dann bääv!  
D`r Franzmann, dä schühs mit Aväck,  
et knallt en einer Tour!  
Och manchmol schühs hä öm en Eck  
d`r ganzen Dag, tuschur  
Wie su d`r Kreß am Sprechen eß,  
merk jede Stammgaß glich,  
dat zweschendurch, un datt nit schläch-  
d`r Kreß Französisch sprich.  
Dröm säht jetz einer: Zackerlot,  
mer eß jo öhnlich paff,  
sag, Kreß, die fremde Brocke gonn  
dir jo wie ga nix aff.  
Du leever Gott, wat soll dat dann,  
säht hä met ähnzer Mien.  
Dat liert mer schnell, ich ben doch schon  
aach Mond en Sank Kwäntin!